



UNIVERSITÄTS-  
BIBLIOTHEK  
PADERBORN

# **De Congregationibus Clericorum In Communi Viventium**

**Le Mire, Aubert**

**Coloniæ Agrippinæ, 1632**

Cap. XIV. Congregatio Oblatorum S. Ambrosii, à S. Carolo Borromæo,  
Cardinale & Archiepiscopo Mediolanensi instituta.

---

[urn:nbn:de:hbz:466:1-64608](https://nbn-resolving.org/urn:nbn:de:hbz:466:1-64608)

132 De congregationibus Clericorum

Ego Iulius tit. S. Mariae supra Mineruam Presbyter Card. Roma.

Fr. Desiderius tit. S. Clementis Presbyter Cardin. de Cremona.

Ego Ludouicus tit. S. Laurentij in Damaso Presbyter Cardinalis Ludouisius, S. R. E. Vicecancellarius & Summator Sanct.

Ego Cosmus tit. S. Pancratij Presbyter Cardinalis de Torres.

Ego C. S. Nicolai in Carcere Diaconus Cardinalis Pius de Sabaudia.

Ego M. S. Eustachij Diaconus Cardinalis de Sabaudia.

Ego Carolus S. Mariae in Dominica Diac. Card. Medices.

Ego Alexander S. Mariae in Cosmedin Diaconus Card. Vrsinus.

Ego Franciscus S. Angeli in Foro Piscium Diaconus Card. Bon-compagnus.

Ego Hippolytus S. Mariae Nouae Diaconus Card. Aldobrandinus S. R. E. Camerarius.

O. Vestrius Barbianus.

G. Montanus.

---

C A P V T XIV.

C O N G R E G A T I O O B L A T O R V M

S. Ambrosij, à Sancto Carolo Borromeo, Cardin. & Archiepiscopo Mediolanensi instituta.

Con-



**C**ONGREGATIO OBLATORVM S. AMBROSII, à Sancto Carolo Borromeo, Cardinali, & Archiepiscopo Mediolanensi, instituta, constat ex hominibus, qui S. AMBROSIO Mediolanensis ecclesiæ Antistiti ac patrono, vltro suaque sponte sese obtulerunt, ad varia munia ecclesiastica, pro cuiusque captu ac viribus, obeunda, & ad pia quæque præclaraque opera præstanda. Huius Congregationis fundamentum præcipuum in exquisita ac planè perfecta ergà ipsos Archiepiscopos Mediolanenses obedientia est positum, ad Dei gloriam, & animarum eiusdem ecclesiæ ac diocesis salutem impensè procurandam ac promouendam.

Huiusmodi autem obedientia duabus rebus innititur, Voto & Constitutionibus; Voto quidem tamquam forma voluntatem perficiente ac firmante; Constitutionibus verò quasi regula dirigente, viamque præmonstrante eorum quæ amplectenda & quæ fugienda sunt. Voti clericorum formula est talis:

*Ego N. Omnipotenti Deo, & sanctissimo Patri nostro Ambrosio, coram beatissima Virgine Dei matre Maria, & tota cœlesti curia, ac tibi quoque, locum sanctissimi Patris nostri Ambrosij hic obtinendi, Reuerendissime Domine pater Archiepiscopo, ceterisque deinceps*  
I 3 *Archiepis-*



Archiepiscopis sanctæ Mediolanensis ecclesiæ, successoribus tuis, promitto, spondeo ac voueo perpetuam obedientiam in his omnibus quæ mihi præcipientur, ad Dei gloriam, & salutem animarum eiusdem ecclesiæ procurandam, adiuuandam, & promouendam, ad præscriptum institutæ Congregationis Oblatorum sanctissimi patris nostri Ambrosij: illudque præterea spondeo ac voueo, me in Congregatione & instituto hoc perpetuo victurum.

Formula oblationis laicorum est talis.

Ego N. in conspectu Omnipotentis Dei, gloriosissimæque semper Virginis Mariæ, nec non beati patris nostri Ambrosij, ac totius curiæ cœlestis, prostratus tibi, Reuerendissime Archiepiscopo, pater & Domine mi, ceterisque deinceps Archiepiscopis sanctæ Ecclesiæ Mediolanensis, successoribus tuis, perpetuam obedientiam offero, tam in ijs, quæ ad curam, salutem, spiritualemque progressum animæ meæ pertinent, quàm in illis etiam, quæ ex Congregationis huius institutis per me præstanda erunt, in operibus officiisque caritatis in Deum, & misericordiæ in proximos adhibendis.

Quod ad Constitutiones attinet, eas B. Carolus Borromæus digessit, & anno 1581. Mediolani typis edendas curauit: ex quibus præcipua hæc capita habe.

Oblati Clerici iuxta præscriptum Archiepiscopi, illiusque iudicium, quod  
de vno-



de vnoquoque eorum faciet, ita se com-  
parent, vt semper parati sint ad sacras le-  
ctiones exercendas, ad concionandum,  
ad confessiones audiendas, aliaque Ca-  
tholicæ ecclesiæ Sacramenta ministranda,  
ad animarum curam suscipiendam ac ge-  
rendam, ad ecclesiasticas functiones qual-  
libet cuiuslibet Ecclesiæ præstandas, ad pau-  
peres erudiendos, ad clericorum educa-  
tionem & institutionem, ad seminariorū  
collegiorumq; piorum gubernationem ac  
pcurationem, aliave officia in his ipsis locis  
exequenda, ad visitationis missionisque  
quamlibet munus rectè ac diligenter ob-  
eundum; ad deniq; actionem piam pròptè  
administrandam, & ad omne caritatis &  
misericordiæ officiumque studioseque ob-  
eundum.

Laici verò Oblati ea misericordiæ ca-  
ritatisque erga alios munera sedulò præ-  
stent, quæ Congregationis instituto, pro  
illorum conditione, cōueniunt. Gramma-  
tici pauperes pueros & adolescentes litte-  
ras gratis doceant, Medici ægrotos curent,  
Iureconsulti & Causidici lites dirimant ac  
sedent, pacem concilient, egentium, vidua-  
rum, pupillorum, in carceres coniecto-  
rū, ac defensoribus destitorum causas agant  
ac tueantur, ægros in Xenodochijs præ-  
sertim inuisant, moribundos, vt piè in Do-



mino moriantur, sedulo cohortentur, alia denique qualiacunquæ Christianæ caritatis officia serio accurateque exercent.

Porro cum Visitatio & Missio præstantissimæ & vtilissimæ sint partes huius Cōgregationis functionum, oblato in ijs exequendis quàm diligentissimos sese præstet.

Nulli Oblatorum liceat beneficium aliquod, siue ecclesiasticum siue alterius generis sit, accipere, nisi Archiepiscopo iubente, neque acceptum dimittere, nisi eodem consentiente.

Canonicatum, beneficium aut officium ecclesiasticum obtinentes, cui residendi onus coniunctum est, cum in Oblatorum Congregationem cooptantur, nullis teneantur legibus aut institutis, quæ functiones, beneficio aut officio, quod habent, debitas impediunt.

Vbicumque in Canonicalibus ecclesijs tres saltim Oblati beneficii, cui residendi munus sit annexum, habeant, hi ex Cōgregationis instituto ad simul viuendum se conferant.

Idem faciendum erit, si in eodem opido tres saltim Oblati erunt: nisi eorum cohabitatione victusque communione impedirentur functiones ad Ecclesias pertinentes, quibus illi adscripti sunt.

Ceterum vniuersæ Cōgregationis Oblatorum



rum quasi basis est ecclesia *sacri Sepulcri*, in  
umbilico urbis Mediolanensis sita; eius-  
demq; domus Præpositus est secundarium  
quasi caput. Primarium namque ac supre-  
mum caput est Archiepiscopus Mediola-  
nensis.

Ad hanc Congregationem inter alia  
spectat in primis cura *Collegij Heluetiorum*  
*ac Rhetorum*, quod S. Carolus Borromæus  
fundauit; item gubernatio *Collegij Borromæi*,  
quod idem S. Carolus in Academia Tici-  
nensi seu Papiensi construxit.

*De Oblatis S. Ambrosij plura qui uolet, legat*  
*Acta & Concilia Ecclesie Mediolanensis, iussu S.*  
*Caroli Borromæi publicata, itemq; Vitam eius-*  
*dem S. Caroli, auctoribus Carolo à Basilica Pe-*  
*tri, Episcopo Nouariensi, & Petro Iacobo Baccio.*

---

C A P V T XV.

CONGREGATIO CLERICORVM  
*regularium, Ministrantium infirmis, per Ca-*  
*millum Laliu eiuſq; socios incohata, à Sixto*  
*V. Papa an. 1586. confirmatum.*

SIXTVS Papa V. ad perpetuam rei me-  
moriam. Ex omnibus Christianæ cari-  
tatis officijs, quibus æterna Salus per gra-  
tiam Dei comparatur, illa Redemptori no-  
stro Iesu Christo vel maximè placere credi-  
mus, per quæ pauperes Christi, infirmi, &